

Baofisiri ba Khasetomo ba SARS le SAPS ba swere khokheine ya kimelo ya 378kg

Tshwane, 24 Feberware 2023 – Baofisiri ba Khasetomo ba Ditirelo tša Motšhelo tša Afrika Borwa (SARS) le Ditirelo tša Maphodisa tša Afrika Borwa ba dirile dipuruputšo lehono tša khontheina ya sekepe ka boemakepe bja Durban gomme ba hweditše khokheine ya kimelo ya 378kg ka gare ga khontheina enngwe ge sekepe se fihla.

Khokheine ya kgonthe, ya tekanyo ya boleng bja R1.3billion, e kgesitšwe morago ga ditshepetšo tša beke tša go sepetšwa ka bohlale gomme di etelletšwe pele ke *National Targeting Unit*. Yuniti ya SARS ya tša Mawatle (SARS Marine unit), Ditshepetšo tša Durban (Durban Operations), Kgoro ya Bohlale bja Bosenyi ya Ditirelo tša Maphodisa tša Afrika Borwa (SAPS) le Ditirelo tša Bosetšhaba tša Dinyakišišo (Crime Intelligence and National Detective Services) ba nametše sekepe seo se bego se tšwa ka South America go yo šireletša dikhontheina tše mmalwa tšeo di bego di šeditšwe ke SARS.

Dikhontheina di ile tša hlahlobja morago ga ge di ile tša theošwa ka boemakepe bja ka Durban. Dipuruputšo di utullotše ditšweletšwa tša metale tša zinc le mekotlana e mmalwa ye meso yeo e bego e swere ditena tše 378 tša khokheine ya kgonthe.

Sekepe seo se bego se se molaong le seo se bego se bonagala bjale ka sedirišwa sa go treka selefounu di ile tša išwa ka SAPS bakeng sa dinyakišišo tša go tšwetšwapele.

Khomišinare wa SARS Edward Kieswetter o tlogile a reta le go lebogiša mošomo wa go sepetšwa ka bothakga wa dietšensi ka moka tšeo di amegilego tshepetšong ye.

“Ka go šoma mmogo, mmušo o laeditše gape gore o ikemišeditše go lwantšhana le bomenetša bja diokobatši tšeo di tsenago ka nageng le go senya maphelo a batho bao ba di dirišago, kudu baswa.

“SARS e ka se kgotlelele ditiragalo tše di sego molaong eupša e tla tšwelapele go phethagatša tagafara ya yona ya go nolofatša kgwebo yeo e lego molaong go tšwetšapele ekonomi ya naga ya rena,” gwa realo Mrn. Kieswetter.

Go hwetša tshedimošo enngwe, ikgokaganye le SarsMedia@sars.gov.za